

li Consieri, Cai di XL, Savii dil Conseio et terra ferma, di concieder a li ditti commissarii che siano realditi da li X Savii sopra la ditta tansa, come ad altri è stà fatto. Et fu presa. Ave : 140, 27, 11.

Et nota. Intravien sier Pandolfo Morexini in questo, qual va podestà a Padoa, perchè sua moier fo sua consorte.

Fo posto, per li ditti tutti, havendo richiesto lo abate et monaci de Santa Maria de Strivali di poter trazer di questa terra senza dazio per conzar il suo monasterio tavole 300 di albeo, travi 25, ch'è il dazio zerca ducati 8, *Item* li sia donà di l'Arsenal nostro uno baril di chiodi di 25, uno cavo di orza da galie di pasa 40, taie do per lavor etc. Fu presa. Ave : 163, 33, 0.

Fu letto una supplication di sier Zuan Francesco da Leze qu. sier Giacomo stato castellan a Corfù, dove si ha maridato, et fo butà alcune caxe zoso per le fabriche che era di la ditta soa moier di le qual trazeva di fitto da ducati 60 et più, dimanda a l'incontro certo terren vacuo, non dice la quantità, posto in uno loco ditto la Piazza, per poter in quello fabricar etc. Et fo letto una lettera di sier Justian Morexini baylo in sua laude, et di questo terren non è cosa di momento. *Item*, di sier Andrea Marzello et sier Alvixe d'Armer stati bayli a Corfù, che dicono non è danno di la Signoria nè di altri. Et volendo tutto il Collegio metter la parte di darli il ditto teren, il Doxe non volse fosse mandata.

270 Fu letto una supplication di uno . . . . . qual narra certi soi meriti et dimanda l'ufficio di Francesco Barbo da Montona sora le legne, da poi la sua morte. Et fo letto certe deposition di sier Zuan Minoto fo podestà et capitano in Cao d'Istria

. . . . . quali dicono detto ufficio valer ducati 40 a l'anno etc. Et fo posto per li Savii del Conseio et terra ferma conzederli quanto el dimanda, et io Marin Sanudo alta voce dissi : è mal, non si vede verità di soi meriti, nè si pol dar officio in loco di uno è vivo, poi vadagna più di ducati 200 a l'anno, et si doveria tuor information di rettori di Montona, Grignana et altri. Et li Savii ai ordini, come mi alditeno, andono a la Signoria et intrigò la cosa.

Fu fatto scurtinio con bollettini di un Savio sorale acque in luogo di sier Beneto Valier, à acetado conte a Sibinico, et è per do anni, nè pol essere electi chi ha possession et molini su quel di Piove di Sacho et di mestrina, vicaria di Uriago et Miran, nè sul Dogado, iusta la parte dil Conseio di X. Et fono electi numero 45, di qual alcuni non fo balo-

tadi, et vene a tante a tante sier Zuan Francesco Sagredo et sier Filippo da Molin, quali rebototadi rimase sier Zuan Francesco Sagredo per haver il favor di XL, per esser suo fiol sier Hironimo XL Criminal.

215. *Electo uno Proveditor sora le acque, in luogo di sier Beneto Valier ch'è romaso conte a Sibinico.*

|                                                                                                      |         |
|------------------------------------------------------------------------------------------------------|---------|
| Sier Alvixe Capello qu. sier Hironimo da Santa Maria Mater Domini. . . . .                           | 101.108 |
| Sier Vincenzo Polani fo proveditor sora le Camere, qu. sier Giacomo. . .                             | 93.119  |
| Sier Francesco Zen fo patron di galia a Baruto, qu. sier Alvise. . . .                               | 71.141  |
| Sier Antonio Contarini qu. sier Zentil, qu. sier Andrea procurator. .                                | 50.154  |
| Sier Zuan Justinian fo di la Zonta, qu. sier Zustinian da Santa Croze. .                             | 99.111  |
| Sier Zuan Malipiero, qu. sier Polo da Santa Maria Formosa. . . . .                                   | 63.143  |
| Sier Zorzi Venier fo savio sora la mercadantia, qu. sier Francesco. . .                              | 106. 96 |
| Sier Benedetto Vituri, qu. sier Alvixe. . . . .                                                      | 73.138  |
| Sier Zuan Maria Malipiero, qu. sier Piero. . . . .                                                   | 89.119  |
| Sier Nicolò Trivixan fo capitano di le galie di Baruto, qu. sier Piero, qu. sier Baldissera. . . . . | 87.119  |
| Sier Zuan Lion, qu. sier Francesco. .                                                                | 33.176  |
| Sier Piero Arimondo fo camerlengo di Comun, qu. sier Nicolò. . . .                                   | 61.147  |
| Sier Hironimo di Prioli fo sora le Camere, qu. sier Lorenzo. . . . .                                 | 62.142  |
| Sier Piero Gradenigo fo camerlengo di Comun, qu. sier Marin. . . .                                   | 82.127  |
| Sier Nicolò Bragadin fo di la Zonta, qu. sier Marco. . . . .                                         | 106.101 |
| Sier Sigismondo di Cavalli fo proveditor sora il regno di Cypri. . . .                               | 82.134  |
| Sier Zuan Ferro fo proveditor sora il regno di Cypri, qu. sier Antonio. .                            | 66.129  |
| Sier Baldissera Contarini fo a le Raxon vechie, qu. sier Francesco. . .                              | 93.110  |
| Sier Marco Antonio Foscarini fo proveditor a le biave, di sier Andrea. .                             | 106.104 |
| Sier Piero Navaier fo di la Zonta, qu. sier Antonio. . . . .                                         | 96.119  |